



B r o j : 02-05-1424/18

D a t u m, 26.12.2018. godine

ZAPISNIK

sa 22. redovne sjednice 6. saziva Općinskog vijeća Doboj Istok

Dvadesetdruga redovna sjednica 6. saziva Općinskog vijeća održana je dana 22.12.2018. godine u zgradi općine Doboj Istok, u Klokotnici, sa početkom u 10,00 sati.

PRISUTNI: 16 vijećnika, zatim Kemal Bratić, općinski načelnik, Omer Hadžić, sekretar općine, Sulejman Delić, pomoćnik općinskog načelnika za civilnu zaštitu, Alirizah Mujkić, pomoćnik općinskog načelnika za poduzetništvo i finansije, Enes Bećirović, pomoćnik općinskog načelnika prostornog uređenja i Admir Šišić, ovlašteno lice da zamjenjuje pomoćnika općinskog načelnika za društvene djelatnosti, branilačko – invalidsku zaštitu i opću upravu, te predstavnici medija (RTV TK i Dnevni avaz).

ODSUTNI: Fajik Muratović, vijećnik SDP.

Sjednicu je otvorio i vodio predsjedavajući Općinskog vijeća, dr. Ferid Konjić. Na početku 22. redovne sjednice predsjedavajući je selamio i pozdravio općinskog načelnika sa saradnicima, predstavnike medija, kolegice i kolege vijećnike. Zamolio je tehničkog sekretara da provjeri prisutnost vijećnika, te konstatovao da sjednici prisustvuje 15 vijećnika i da su odsutni Senada Džanić i Fajik Muratović.

VIJEĆNIČKA PITANJA I INICIJATIVE

Dr. Ferid Konjić, predsjedavajući Općinskog vijeća: „ Ukoliko ima pripremljenih vijećničkih pitanja i inicijativa dajem mogućnost da se iznesu. Ne vidim prijavljenih.“

USVAJANJE ZAPISNIKA SA PRETHODNE SJEDNICE

Dr. Ferid Konjić, predsjedavajući Općinskog vijeća: „ Dobili ste zapisnik sa prethodne sjednice. Ima li primjedbi na zapisnik? Ne vidim prijavljenih. Ko je za zapisnik?“

Glasanje: ZA – 15, PROTIV – 0, UZDRŽANIH – 0.

USVAJANJE DNEVNOG REDA

Dr. Ferid Konjić, predsjedavajući Općinskog vijeća: „ Dobili ste prijedlog dnevnog reda i pošto nemamo prijedloga za dopunu ili izmjenu dnevnog reda dajem na izjašnjavaње. Ko je za ovaj dnevni red?“

Glasanje: ZA – 15, PROTIV – 0, UZDRŽANIH – 0.

Usvojen je sljedeći:

DNEVNI RED

1. Razmatranje i usvajanje prijedloga Rebalansa Budžeta općine Doboj Istok za 2018. godinu
2. Razmatranje i usvajanje prijedloga Budžeta općine Doboj Istok za 2019. godinu,
3. Razmatranje i usvajanje prijedloga Odluke o izvršenju Budžeta općine Doboj Istok za 2019. godinu,
4. Razmatranje i usvajanje prijedloga Programa rada Općinskog vijeća Doboj Istok za 2019. godinu,
5. Razmatranje i usvajanje Programa i plana rada Općinskog načelnika za 2019. godinu,
6. Razmatranje i usvajanje Programa razvoja zaštite i spašavanja ljudi i materijalnih dobara od prirodnih i drugih nesreća općine Doboj Istok za period 2018 – 2023. godina,
7. Razmatranje i usvajanje Informacije o provedenim aktivnostima povodom obilježavanja Dana državnosti BiH.

REALIZACIJA DNEVNOG REDA

Ad. 1. Razmatranje i usvajanje prijedloga Rebalansa Budžeta općine Doboj Istok za 2018. godinu.

Dr. Ferid Konjić, predsjedavajući Općinskog vijeća: „ Materijal te dobili, a dobili ste i stav Komisije za budžet, finansije i ekonomska pitanja. Tačku dajem na diskusiju.“

Emira Karić, predsjednica kluba vijećnika SDP: „ Pozdravljam i selamim sve vas koji prisustvujete posljednjoj sjednici Općinskog vijeća u 2018. godini i koristim priliku da vam poželim sve najbolje u novoj 2019. godini. Za 1. i 2. tačku ove sjednice možemo reći da su udarne tačke dnevnog reda koje zahtijevaju itekako ozbiljne i široke diskusije. Prva tačka Rebalans budžeta za 2018. godinu, očekivana tačka, jer smo još u decembru 2017. godine diskutovali o nerealno planiranom budžetu, a valjda se prisjećate da je nacrt Budžeta za 2018. godinu bio jednoglasno usvojen. Naravno da bi uvaženi vijećnici Safet Smajilbašić i Mehmed Mehinović morali ne samo diskutovati, nego elaborirati pojedine stavke Rebalansa i prijedloga Budžeta, ali oni to kao i ja ne žele. Zašto? Zato što ne dobiju odgovor ni na jedno postavljeno pitanje. Zato što se u toku naših diskusija vijećnici pozicije samo podsmjehuju iz svojih vijećničkih klupa ili se neko odluči za repliku, a da se pri tome ne dotakne ništa bitnog. Ponadati se da će neko nešto objasniti, razriješiti naše nedoumice na samoj sjednici postaje iluzorno, kada znamo da se na jednostavno vijećničko pitanje, gdje je potrošeno i iz kojih izvora 90.000 KM, odgovor čeka evo godina dana, čime se ozbiljno i grubo krši Poslovnik o radu Općinskog vijeća. Šta je sa realizacijom donesenih odluka, osnivanjem profesionalne vatrogasne jedinice, pretvorbe zemljišta, izgradnja određenih objekata, upravljanje mezarjima, urbanizacija Doboj Istoka kroz nazive ulice i trgova itd.? Oktobarska i novembarska sjednica Općinskog vijeća sa svim svojim tačkama trajala je 15 minuta. Pošteno bi bilo, drage kolege, vratiti nezarađene paušale, umjeriti ih i predložiti fond čiju će realizaciju pratiti vijećnici i pozicije i opozicije. Vijećnici opozicije dižu dvije ruke da se odrekemo, odnosno vratimo nezarađene paušale. Zbog svega navedenog prinuđeni smo napustiti ovu sjednicu, kao još jedan primjer lošeg vođenja naše općine, prepustiti vam evo pozornicu da se samo lažno hvalite i veličate, ukoliko budete i to znali. Svjesni smo da i ovo neće dovesti do nikakvog pomaka, a kamoli napretka i moramo vrlo brzo naći učinkovitiji način djelovanja.“

Dr. Ferid Konjić, predsjedavajući Općinskog vijeća: „ Ima li još diskutanata? Ne vidim prijavljenih diskutanata i dajem na izjašnjavanje. Ko je za ovaj Rebalans?“

Glasanje: ZA – 9, PROTIV – 0, UZDRŽANIH – 0.

Vijećnici Emira Karić, Emira Mrković, Safet Smajilbašić, Mehmed Mehinović, Kemal Skopljak i Smajil Hodžić su napustili sjednicu.

Ad.2. Razmatranje i usvajanje prijedloga Budžeta općine Doboj Istok za 2019. godinu.

Dr. Ferid Konjić, predsjedavajući Općinskog vijeća: „Materijal ste dobili, a imate i stav Komisije za budžet, finansije i ekonomska pitanja. Tačku dajem na diskusiju. Ne vidim prijavljenih diskutanata i dajem na izjašnjavanje. Ko je za ovu tačku?“

Glasanje: ZA – 9, PROTIV – 0, UZDRŽANIH – 0.

Samo da napomenem da se sjednici pridružila Senada Džanić. To je njihova dobra volja, na sjednici su prijavljeni, a izostanak je demokratko pravo svačije. Vijećnica ih je pozvala da izađu i oni su izašli i ja tu nemam šta, jer niti me je ko pitao, niti je tražio dozvolu i ja sa time nemam veze.“

Ad.3. Razmatranje i usvajanje prijedloga Odluke o izvršenju Budžeta općine Doboj Istok za 2019. godinu.

Dr. Ferid Konjić, predsjedavajući Općinskog vijeća: „Materijal ste dobili, a imate i stav Komisije za budžet, finansije i ekonomska pitanja. Tačku dajem na diskusiju. Ne vidim prijavljenih diskutanata. Ko je za ovu tačku?“

Glasanje: ZA – 10, PROTIV – 0, UZDRŽANIH – 0.

Ad.4. Razmatranje i usvajanje prijedloga Programa rada Općinskog vijeća Doboj Istok za 2019. godinu.

Dr. Ferid Konjić, predsjedavajući Općinskog vijeća: „Materijal ste dobili, dajem tačku na diskusiju. Ima i diskutanata i prijedloga novih? Ne vidim prijavljenih. Ko je za ovu tačku?“

Glasanje: ZA – 10, PROTIV – 0, UZDRŽANIH – 0.

Ad.5. Razmatranje i usvajanje Programa i plana rada Općinskog načelnika za 2019. godinu.

Dr. Ferid Konjić, predsjedavajući Općinskog vijeća: „Materijal ste dobili, tačku dajem na diskusiju. Ne vidim prijavljenih i dajem na izjašnjavanje. Ko je za?“

Glasanje: ZA – 10, PROTIV – 0, UZDRŽANIH – 0.

Ad.6. Razmatranje i usvajanje Programa razvoja zaštite i spašavanja ljudi i materijalnih dobara od prirodnih i drugih nesreća općine Doboj Istok za period 2018 – 2023. godina.

Dr. Ferid Konjić, predsjedavajući Općinskog vijeća: „Materijal ste dobili, tačku dajem na diskusiju. Ne vidim prijavljenih diskutanata i dajem na izjašnjavanje. Ko je za?“

Glasanje: ZA – 10, PROTIV – 0, UZDRŽANIH – 0.

Ad.7. Razmatranje i usvajanje Informacije o provedenim aktivnostima povodom obilježavanja Dana državnosti BiH.

Dr. Ferid Konjić, predsjedavajući Općinskog vijeća: „Materijal ste dobili, tačku dajem na diskusiju.“

Izet Hodžić, predsjednik kluba vijećnika GDS i nezavisni vijećnik Sajib Mešić: „Koristim priliku da poselamim i pozdravim sve prisutne. Po ovoj tački dnevnog reda osjećam potrebu da se zahvalim ljudima koji su radili na organizaciji odlaska na kotu Mačak, odnosno Komisiji. Smatram da su dobro obavili zadatak i da treba tako da nastave. Jednostavno osjećao sam potrebu da izađem i da kažem da se tradicija nastavlja vezano za ove aktivnosti oko odlaska na Mačak, ništa drugo.“

Dr. Ferid Konjić, predsjedavajući Općinskog vijeća: „Ima li još diskutanata? Ne vidim prijavljenih i dajem na izjašnjavaње. Ko je za?“

Glasanje: ZA – 10, PROTIV – 0, UZDRŽANIH – 0.

Na ovaj način smo došli do kraja ovog dnevnog reda. Hvala vam na prisustvovanju sjednici i želim vam sve najbolje u 2019. godini.“

Sjednica je završena u 10,10 sati.

*ZAPISNIČAR
Behara Hadžić*

*SEKRETAR
Omer Hadžić*

*PREDSJEDAVAJUĆI
OPĆINSKOG VIJEĆA
dr. Ferid Konjić*

Službena zabilješka:

Zapisnik je usvojen na 23. redovnoj sjednici Općinskog vijeća Doboj Istok održanoj dana 26.01.2019. godine.

U Klokočnici, dana 28.01.2019. godine

*Zabilješku sačinio
Omer Hadžić, sekretar Općine*